



მარნეულის მუნიციპალიტეტის საკრებულო

დადგენილება №02

10 იანვარი 2017 წ.

ქ. მარნეული

მარნეულის მუნიციპალიტეტის საკრებულოს 2014 წლის 16 ივლისის №18 „მარნეულის მუნიციპალიტეტის გამგეობის დებულების დამტკიცების შესახებ“ დადგენილებაში ცვლილების შეტანის თაობაზე

საქართველოს ორგანული კანონი „ადგილობრივი თვითმმართველობის კოდექსი“ 24-ე მუხლის პირველი ნაწილის „გ.ბ“ პუნქტის, 61-ე მუხლის მე-2 ნაწილის, „ნორმატიული აქტების შესახებ“ საქართველოს კანონის მე-20 მუხლის შესაბამისად, მარნეულის მუნიციპალიტეტის საკრებულო ადგენს:

მუხლი 1

შევიდეს ცვლილება მარნეულის მუნიციპალიტეტის საკრებულოს 2014 წლის 16 ივლისის „მარნეულის მუნიციპალიტეტის გამგეობის დებულების დამტკიცების შესახებ“ №18 დადგენილების (www.matsne.gov.ge; 010250050.35.159.016150;18/07/2014წ) დანართი 1-ში:

1. მე-15 მუხლის მე-3 პუნქტის „ჟ“ ქვეპუნქტი ჩამოყალიბდეს შემდეგი რედაქციით:

„ჟ) უფლებამოსილია დაინტერესებული პირის განცხადების საფუძველზე მუნიციპალიტეტის სახელით შეისწავლოს და ცნობის ფორმით დაადასტუროს მის სამოქმედო ტერიტორიაზე საქონლის ადგილწარმოშობის, საქართველოს მოქალაქის კონკრეტულ მისამართზე წარსულში ან/და მიმდინარე ეტაპზე ცხოვრების და უძრავი ქონების ფლობის ფაქტი;

შენიშვნა: ამ პუნქტით გათვალისწინებული უფლებამოსილების განხორციელებისას დაინტერესებული პირი წერილობით მიმართავს მუნიციპალიტეტის აღმასრულებელ ორგანოს, გამგებელს, ან მუნიციპალიტეტის ადმინისტრაციულ ერთეულში გამგებლის წარმომადგენელს. საქონლის ადგილწარმოშობის შესახებ ცნობა შესაძლებელია გულისხმობდეს კონკრეტულ ადგილზე ხის მოჭრის, სასოფლო-სამეურნეო პროდუქტის მოპოვების ფაქტთან დაკავშირებულ და სხვა მსგავსი ღონისძიების თაობაზე ინფორმაციის დადასტურებას, სადაც შესაძლებელია აღნიშნულ იქნას, როგორც პროდუქტის მოპოვების ადგილი, ასევე პროდუქტის გადაადგილების მიმართულება და დანიშნულების ადგილი. საქართველოს მოქალაქის კონკრეტულ მისამართზე წარსულში ან/და მიმდინარე ეტაპზე ცხოვრების ფაქტის დადასტურება გულისხმობს, მოპოვებული ინფორმაციის (სამეზობლო აქტები, დოკუმენტური მტკიცებულებები და სხვა ფაქტობრივი მდგომარეობის ამსახველი ინფორმაცია) ურთიერთშეჯერების საფუძველზე, უფლებამოსილი პირის შინაგანი რწმენის გათვალისწინებით ცნობის გაცემას, როგორც პირის წარსულ პერიოდში, ასევე ამ კონკრეტული პერიოდიდან-განსაზღვრულ თარიღამდე პერიოდში, ადმინისტრაციული ერთეულის ტერიტორიაზე ინდენტიფიცირებად მისამართზე (ასეთის განსაზღვრის შესაძლებლობისას) ფაქტობრივი საცხოვრებელი ადგილის შესახებ ინფორმაციის დადასტურებას. ხოლო ცნობა პირის მიმდინარე ეტაპზე ცხოვრების ფაქტის დადასტურების თაობაზეგაცივმა დაინტერესებული პირის იდენტიფიცირებად მისამართზე არანაკლებ ბოლო ერთი თვის პერიოდში ცხოვრების ფაქტის დადასტურების შემთხვევაში. ამასთანავე გამგებლის წარმომადგენელი უფლებამოსილია, წერილობითი განცხადებით მოთხოვნის შემთხვევაში, პირის

ცხოვრების ფაქტის დადასტურებასთან ერთად დააფიქსიროს ოჯახის შემადგენლობის, ოჯახის სულადობის, ბავშვის მშობლებთან ერთად ცხოვრების (მაგ: ცნობა სკოლაში წარსადგენად) და სხვა მსგავსი შინაარსის ფაქტის შესახებ ინფორმაცია. რაც შეეხება უძრავი ქონების ფლობის ფაქტს, შესაძლებელია აღნიშნული ცნობა გაიცეს მემკვიდრეობის მიღებისას, იდენტიფიცირებადი (ცნობა–დახასიათება საჯარო რეესტრიდან ან/და ქონების ფაქტობრივი მდებარეობის შესახებ მარნეულის მუნიციპალიტეტის ადმინისტრაციულ ერთეულში გამგებლის წარმომადგენლის მიერ შედგენილი აქტი, მოწმეთა ხელმოწერით) ქონების ფაქტობრივი ფლობის დადასტურების მიზნით, რისი მოათხოვნაც უნდა ფიქსირდებოდეს როგორც განცხადებაში, ასევე ასახულ უნდა იქნას გაცემულ ცნობაში.

აღნიშნული ცნობები გაიცემა დაინტერესებული პირის წერილობითი მოთხოვნის საფუძველზე, გამონაკლისს წარმოადგენს ადგილწარმოშობის შესახებ ცნობის მოთხოვნის შემთხვევა, რომელიც შესაძლებელია იყოს ზეპირი ფორმით. უფლებამოსილ პირს აქვს შესაძლებლობა მოთხოვნისამებრ ერთ ცნობაში გააერთიანოს კონკრეტული ფაქტის დადასტურების თაობაზე რამოდენიმე მოთხოვნა. გამგებლის წარმომადგენლები ფაქტის დადასტურებისას ეყრდნობიან, როგორც მოძიებულ დოკუმენტურ მასალებს, ასევე ფიზიკური პირების მიერ შედგენილ აქტებს (სამეზობლო აქტი ან სხვა).“.

2. მე–15 მუხლს დაემატოს მე–3¹ პუნქტი:

„3¹. გამგებლის წარმომადგენელი ცნობების გაცემისას ვალდებულია:

ა) გასცეს ცნობები ადმინისტრაციული ერთეულისათვის დამტკიცებულ ტიტულიან ფურცელზე, საკუთარი ხელმოწერითა და ბეჭდით დამოწმებით (ასეთის არსებობის შემთხვევაში);

ბ) აწარმოოს ცნობების რეესტრი, შეინახოს გაცემული ცნობების ასლები და აღნიშნულის შესახებ ინფორმაცია ყოველ 6 თვეში, ანგარიშის სახით, წარუდგინოს მუნიციპალიტეტის გამგებელს;“.

3. ამოღებულ იქნას მე–19¹ მუხლი.

მუხლი 2

დადგენილება ამოქმედდეს გამოქვეყნებისთანავე.

მარნეულის მუნიციპალიტეტის
საკრებულოს თავმჯდომარე

ნაზი აბდულაევი

განმარტებითი ბარათი

მარნეულის მუნიციპალიტეტის საკრებულოს 2014 წლის 16 ივლისის №18 „მარნეულის მუნიციპალიტეტის გამგეობის დებულების დამტკიცების შესახებ“ დადგენილებაში ცვლილების შეტანის თაობაზე“ მარნეულის მუნიციპალიტეტის საკრებულოს დადგენილების პროექტზე

გაცნობებთ რომ, „მარნეულის მუნიციპალიტეტის გამგეობის დებულების დამტკიცების შესახებ“ მარნეულის მუნიციპალიტეტის საკრებულოს 2014 წლის 16 ივლისის №18 დადგენილებით დამტკიცდა და განისაზღვრა გამგეობის აღმასრულებელი ორგანოს უფლებამოსილებები, მათ შორის მარნეულის მუნიციპალიტეტის ადმინისტრაციულ ერთეულებში გამგებლის წარმომადგენლის უფლებამოსილებები, რომელსაც 2014 წლის 16 ოქტომბერს, ამ დებულებაში განხორციელებული ცვლილებით მიენიჭა უფლებამოსილება გაეცა ცნობები, პირის მიმდინარე ეტაპზე კონკრეტულ მისამართზე ცხოვრების და პროდუქტის ადგილწარმოშობის ფაქტთან დაკავშირებით.

მიმდინარე ეტაპზე არსებული საჭიროებით, რაც განპირობებულია მუნიციპალიტეტის საქმისწარმოების ელექტრონულ სისტემაში (edocument) ქონების ფლობისა და წარსულში ცხოვრების ფაქტის დადასტურების მიზნით, ცნობების გაცემის მოთხოვნით რეგისტრირებული განცხადებების სიმრავლისა და საზოგადოების მაღალი ინტერესიდან გამომდინარე, მიზანშეწონილია საკრებულოს სხდომაზე კანონქვემდებარე აქტში ცვლილებისა და დამატების ინიცირებული პროექტის შესაბამისად, გამგებლის წარმომადგენლებს მიენიჭოთ ზემოხსენებული ცნობების გაცემის უფლებამოსილება.

პროექტის მიღებით გამოწვეული საფინანსო-ეკონომიკური შედეგების გაანგარიშება

აღნიშნული პროექტის განხორციელება არ მოითხოვს ეკონომიკურ ან ფინანსურ სახსრებს, მათ შორის რაიმე სახის მატერიალური რესურსის ხარჯი ან სარგებელი მუნიციპალიტეტის მხრიდან დაგეგმილი არ არის.

პროექტის წარმდგენი

დადგენილების პროექტის წარმდგენია მარნეულის მუნიციპალიტეტის გამგებელი.